

2014թ.-ին իրականացված աշխատանքների համառոտ նկարագիր

2014 թվականին ծրագրի շրջանակներում Հայաստանի ՓՄՁ ԶԱԿ-ի կողմից վարկային երաշխավորությունների տրամադրման, սկսնակ գործարարների ձեռներեցությանն աջակցության, ոլորտային աջակցության, գործարար տեղեկատվական, խորհրդատվական և ուսուցողական աջակցության, տեղական տնտեսական զարգացման ուղղություններով շուրջ 6200 սկսնակ և գործող ՓՄՁ սուբյեկտների տրամադրվել է 14688 աջակցություն:

Աջակցություն ստացած ՓՄՁ սուբյեկտների 5.3%-ը գործում են Երևան քաղաքում, իսկ 94.7%-ը ՀՀ մարզերում՝ առավելապես հեռավոր և սահմանամերձ գյուղական և քաղաքային համայնքներում:

«Սկսնակ գործարարների ձեռներեցությանն աջակցություն» ծրագիրը ներառում է ուսուցողական, մասնագիտական խորհրդատվության, տեղեկատվական, ինչպես նաև ֆինանսական աջակցության տրամադրման բաղադրիչներ: 2014 թվականի ընթացքում ծրագրի մասնակիցներից գործունեություն է ծավալել 211-ը (35% կին), որոնցից 146-ը 2014 թվականին իրականացված ծրագրերի մասնակիցներ են, իսկ 65-ը՝ 2013թ-ի: Ծրագրին մասնակից 211 փոքր և միջին ձեռնարկատիրության սուբյեկտներից 198-ը պետական գրանցում են ստացել և սեփական գործ սկսել ծրագրին մասնակցելու արդյունքում, իսկ 13-ը բարելավել են գործունեությունը: Գործող 211 փոքր և միջին ձեռնարկատիրության սուբյեկտների գերակշիռ մասը՝ 181-ը, գրանցվել են որպես անհատ ձեռնարկատեր, իսկ 30-ը՝ որպես առևտրային իրավաբանական անձ:

Հաշվետու ժամանակահատվածում պետական գրանցում ստացած և գործունեություն ծավալած սկսնակ գործարարների բաշխվածությունը, ըստ գործունեության ոլորտների, այսպիսին է՝ արտադրության ոլորտում՝ 67.0%, ծառայությունների ոլորտում՝ 28.0%, առևտրի ոլորտում՝ 5.0%:

Ընդհանուր առմամբ 2014 թվականի ընթացքում պետական գրանցում են ստացել և սեփական գործ սկսել 160 ՓՄՁ սուբյեկտ:

Ծրագրի իրականացման արդյունքում, ըստ դիտարկումների, ստեղծվել է շուրջ 190 նոր աշխատատեղ:

Հաշվետու ժամանակահատվածում ՏՏՁ ծրագրի շրջանակներում իրականացվել է 100 նոր համայնքների տնտեսական քարտեզագրում:

Ենթակառուցվածքների վերակառուցման և կառուցման համար 2014 թվականի ընթացքում ուսումնասիրվել և կազմվել է 15 ծրագիր, որոնք հաստատվել են USAID PRP ծրագրի կողմից,

ևս 3-ը լրամշակման և հաստատման ներկայացնելու փուլում են: Հաստատված ենթակառուցվածքային ծրագրերից 4-ն արդեն իրականացվել են:

Իրականացված ենթակառուցվածքային ծրագրեր

1. Գեղարքունիքի մարզի Նորաշեն համայնքում կառուցվել է արոտավայրերի խմելու ջրի ցանց և խմոցներ: Տեղադրվել են 10 հատ 10 մետրանոց խմոցներ և մոտ 500 մետր երկարությամբ ջրագիծ: Համայնքում այս աջակցությունից օգտվել են տնտեսությունների 95 %-ը, որոնք զբաղվում են անասնապահությամբ:
2. Տավուշի մարզի Պտաղավան համայնքում իրականացվել է ոռոգման ցանցի մասնակի վերակառուցում: 1536մ երկարությամբ պոլիէթիլենային խողովակներով ջրագիծ է կառուցվել, որը միացվել է գոյություն ունեցող ցանցին: Այստեղ տարիներ շարունակ չեն ջրվել այգիները: Ծրագրի իրականացման արդյունքում 35 հա հողատարածք դարձել է ոռոգելի: Արդյունքում մոտ 330 տնտեսություններ կստանան ավելի շատ բերք և այգիների ընդլայնման պայմաններ:
3. Տավուշի մարզի Դեղձավան համայնքում ևս իրականացվել է ոռոգման ցանցի մասնակի վերակառուցում: Այստեղ ջրի բացակայության պատճառով եղած այգիներն ամբողջությամբ չորացել են: Կառուցված 914մ երկարությամբ ջրագիծը հնարավորություն է տալիս նոր այգիներ հիմնել՝ մոտ 32 հա տարածության վրա, որից օգտվելու են 70 տնտեսություններ:
4. Տավուշի մարզի Զորական համայնքում իրականացվել է ոռոգման ցանցի մասնակի վերակառուցում: 1194մ երկարությամբ նոր ոռոգման ցանցի կառուցումը բարելավելու է տնամերձ հողերում եղած այգիների վիճակը և նպաստելու է նոր այգիների հիմնմանը: Ընդհանուր առմամբ ոռոգելի է դառնում 35 հա որից օգտվում են 120 տնտեսություններ:

2014թ ընթացքում ներկրվել է 168 հատ նոր բելառուսական MT3 82.1 մակնիշի տրակտոր: Հաշվետու ժամանակահատվածում վաճառվել է 181 միավոր գյուղ. տեխնիկա և հարակից սարքավորումներ, որոնցից 160-ը՝ MT3 82.1 մակնիշի տրակտոր:

Նույն թվականի նոյեմբերի 21-ի դրությամբ ներկրվել և վաճառվել է 4 հատ “Niva effect” հացահատիկահավաք կոմբայն:

Հաշվետու ժամանակահատվածում Ձեռնարկությունների եվրոպական ցանցի (ՁԵՑ) գործունեության շրջանակներում աշխատանքներ են իրականացվել Հայաստանում ՁԵՑ-ի

գործունեության վերաբերյալ տեղեկատվության տարածման, հայաստանյան և արտասահմանյան ձեռնարկությունների միջև գործարար կապերի հաստատման, գործարար համագործակցության հիմնապաշարի համալրման, ՁԵՑ-ի անդամ կազմակերպությունների միջև կապերի հաստատման և համագործակցության ընդլայնման, տեղեկատվության փոխանակման և այլ ուղղություններով:

Ընդհանուր առմամբ 2014 թվականի ընթացքում ՁԵՑ-ի շրջանակներում տրամադրվել է 186 աջակցություն՝ թվով 154 ՓՄՁ սուբյեկտներին, այդ թվում՝

- 18 ՓՄՁ սուբյեկտների գործարար նկարագրեր տեղադրվել են Ձեռնարկությունների Եվրոպական Ցանցում,
- 41 ՓՄՁ սուբյեկտների կողմից ստացված հարցումներ տեղադրվել են ՁԵՑ-ում,
- 16 ՓՄՁ սուբյեկտների համար նախապատրաստվել և ՁԵՑ համապատասխան գործընկերներին են ուղարկվել 39 հետաքրքրության առաջարկներ,
- Հայաստանյան 73 ՓՄՁ սուբյեկտների նկատմամբ ստացվել են 83 հետաքրքրության առաջարկներ և ներկայացվել են նշված ընկերությունների տվյալները,
- 5 ՓՄՁ սուբյեկտներ մասնակցել են միջազգային միջոցառման,
- 1 ՓՄՁ սուբյեկտ կնքել է համագործակցության համաձայնագիր:

ՈԱԾ-երի շրջանակներում 2014 թվականի ընթացքում տրամադրվել է 199 աջակցություն, որից 181-ը տեխնոլոգիական դասընթացի, անհատական խորհրդատվությունների, իսկ 18-ը՝ տեխնոլոգիական դրամաշնորհների տեսքով:

Հաշվետու ժամանակահատվածում գործարար ուսուցում, խորհրդատվություն և տեղեկատվության տրամադրման ուղղություններով, ընդհանուր առմամբ, գործող և սկսնակ ՓՄՁ սուբյեկտների տրամադրվել է 13564 աջակցություն, այդ թվում 500-ը՝ ուսուցողական աջակցության ծրագրի շրջանակներում:

2014 թվականի ընթացքում ֆինանսական աջակցություն են ստացել առավել իրատեսական գործարար ծրագրեր ներկայացրած 225 սկսնակ գործարարներ:

Ծրագրի շրջանակներում 2014 թվականի ընթացքում իրականացվել է «Սկսնակ գործարարների ձեռներեցությանն աջակցություն» ծրագրի հինգ վայրերում՝ Երևանում, ՀՀ Վայոց Ձորի մարզի Եղեգնաձոր, Կոտայքի մարզի Եղվարդ, Գեղարքունիքի մարզի Մարտունի և Արագածոտնի մարզի Աշտարակ քաղաքներում, որոնց 108 մասնակիցներից 59-ը (55%)՝ կանայք են:

Հայաստանի Հանրապետության տնտեսական զարգացման բնագավառում կանանց ձեռնարկատիրական նախաձեռնողության խրախուսման, տնտեսության տարբեր ճյուղերում կին գործարարների նվաճումներն ըստ արժանավույն գնահատման, հանրահռչակման և սատարման նպատակով Հայաստանի Հանրապետության վարչապետը հայտարարել է 2014 թվականի «Լավագույն կին գործարար» մրցանակաբաշխությունը հետևյալ 6 անվանակարգերով.

- «Լավագույն կին գործատու»
- «Լավագույն կին նորարար»
- «Լավագույն կին բարեգործ»
- «Լավագույն ապրանքանիշ»
- «Լավագույն երիտասարդ կին գործարար»
- «Լավագույն սկսնակ կին գործարար»:

2014թ.-ի ապրիլի 5-ին Հայաստանի ազգային պատկերասրահում տեղի ունեցած ՀՀ վարչապետին կից Կանանց խորհրդի հանդիսավոր նիստի ընթացքում ՀՀ փոխվարչապետ, տարածքային կառավարման նախարար Արմեն Գևորգյանը պատվոգրեր հանձնեց «Լավագույն կին գործարար» մրցանակաբաշխության 12 հաղթողներին: Խրախուսական պատվոգրեր, նվերներ և մրցանակներ հանձնեցին նաև միջազգային մի շարք կազմակերպություններ՝ Գերմանիայի միջազգային համագործակցության կազմակերպությունը (GIZ), ԱՄՆ ՄՁԾ-ի ֆինանսավորմամբ իրականացվող «Գործընկերություն՝ հանուն գյուղական համայնքների բարգավաճման» ծրագիրը (USAID/PRP), ՄԱԿ-ի արդյունաբերական զարգացման կազմակերպության (UNIDO) կողմից իրականացվող «Երիտասարդ ձեռներեցներին աջակցություն» ծրագիրը, Ասիական զարգացման բանկի (ADB) «Կանանց ձեռներեցության զարգացում» ծրագիրը, ՄԱԿ-ի զարգացման ծրագիրը (UNDP), Միջազգային ֆինանսական կորպորացիան (IFC), Վերակառուցման զարգացման եվրոպական բանկի (EBRD) Գործարարության աջակցության գրասենյակը և ՄԱԿ-ի Փախստականների հարցերով գերագույն հանձնակատարի հայաստանյան գրասենյակը (UNHCR):